

BULETIN PARLIMEN TASEK GELUGOR EDISI 2



wsj
وائے سیفول وان جان
AHLI PARLIMEN TASEK GELUGOR

PERIKATAN
NASIONAL

WAN SAIFUL JUNJUNG KASIH KEBERANGKATAN AGONG KE TASEK GELUGOR

MAJLIS PERASMIAN MASJID JAMEK AR-RAHMANI
KAMPUNG BANGGOL, KEPALA BATAS, PULAU PINANG

DISEMPURNAKAN OLEH
KEBAWAH DULI YA... YAYA MULIA SERI PADUKA BAGINDA AGONG DI-PERTUAN AGONG
AL-SULTAN ABDULLAH RI'AYATUDDIN AL-MUSTAF'A BILLAH SHAH
BIN ALMA'RUF SULTAN HAJI AHMAD SHAH AL-MUSTA'IN BILLAH



Ahli Parlimen Tasek Gelugor, Datuk Wan Saiful Wan Jan merafak sembah dan menjunjung kasih keberangkatan Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah menyempurnakan pemasyhuran Masjid Jamek Ar-Rahmani di Kampung Banggol, baru-baru ini.

Pada majlis pemasyhuran tersebut, Seri Paduka Baginda menandatangani plak perasmian masjid dan menunaikan solat Jumaat bersama rakyat jelata. Wan Saiful berkata pembinaan masjid yang memakan masa kurang dua

tahun itu menjadi mercu tanda baharu kariah di Kampung Banggol malah memperkasakan lagi peranan institusi berkenaan dalam penyebaran ilmu.

"Dengan adanya kemudahan ini, kita yakin dan percaya peranan masjid akan memberikan lebih banyak manfaat kepada penduduk setempat. Ia juga akan memperkasakan lagi peranan masjid dan akan menghidupkan aktiviti komuniti di sini," katanya.

Masjid Jamek Ar-Rahmani Kampung Banggol ditadbir di bawah Pengerusi-nya, Haji Mohd Sobri Salleh.



Selamat Hari Raya Aidilfitri

MAAF ZAHIR & BATIN

Hujas Daripada

DATUK HJ. WAN SAIFUL WAN JAN

AHLI PARLIMEN TASEK GELUGOR

AHLI MAJLIS PIMPINAN TERTINGGI PARTI PRIBUMI BERSATU MALAYSIA



DITERBITKAN DAN DICETAK OLEH PEJABAT WAN SAIFUL WAN JAN

No 46-2, Jalan Sena Jaya, Taman Sena Jaya, Pokok Sena, Tasek Gelugor 13200 Kepala Batas.

WAN SAIFUL RAYU AGONG NASIHATI KERAJAAN PERTIMBANG KELUAR KWSP BERSASAR



Ahli Parlimen Tasek Gelugor, Datuk Wan Saiful Wan Jan merayu Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah menasihati kerajaan mempertimbangkan pengeluaran Kumpulan Wang Simpanan Pekerja (KWPS) secara bersasar kepada golongan yang terkesan.

Selain itu, Wan Saiful berkata, pihaknya turut meminta Al-Sultan Abdullah melihat semula cadangan kerajaan berkaitan cagaran wang

KWSP pencarum kepada pihak perbankan.

"Saya merayu supaya dibenarkan pengeluaran KWSP secara bersasar dan bukan secara semberono. Yang kedua, secara umumnya rakyat tidak gembira dengan keputusan kerajaan untuk mengarahkan rakyat yang mahu KWSP mereka dicagarkan untuk pinjaman bank."

"Konsep yang digunakan kerajaan hari ini ialah menggalakkan rakyat ber hutang untuk membayar

hutang sedia ada. Jadi maksudnya hutang mereka tetap tidak selesai sedangkan pencarum sebenarnya ada dana dalam akaun KWSP. Sebab itu saya tidak setuju dengan idea bagi pinjaman bank ini."

"Bila disuruh cagar KWSP kepada bank, yang untungnya bukan rakyat, sebaliknya untung pada bank. Kalau rakyat tidak boleh bayar pinjaman, wang KWSP yang dicagarkan pun akan hilang kepada bank. Siapa yang untung?" katanya.

JAWAPAN PERDANA MENTERI KURANG KUALITI



Mengulas pengalaman dalam sesi parlimen yang terbaru, Datuk Wan Saiful Wan Jan menyatakan bahawa berdasarkan pemerhatiannya, Perdana Menteri, Datuk Seri Anwar Ibrahim banyak mengelak daripada memberikan jawapan penuh dan komentar Perdana Menteri pun kurang kualiti.

"Banyak jawapan Anwar Ibrahim yang meleret-leret tanpa fakta tuntas. Ada masa kalau dia sebut nama akta pun tak jelas. Dan banyak ayat-ayat yang digunakan pun kadang kadang caca-merba," jelasnya.

Wan Saiful menambah, kualiti jawapan daripada Perdana Menteri

perlu diberikan perhatian kerana ia akan menentukan sama ada Ahli Parlimen dan rakyat berminat untuk mendengarnya atau tidak.

"Kalau kualiti jawapan Perdana Menteri rendah, maka minat orang nak mendengar pun pasti rendah," katanya.

Wan Saiful turut mencadangkan supaya Parlimen Malaysia mengikut contoh Parlimen Britain yang memberikan masa khusus untuk Ketua Pembangkang menyoal Perdana Menteri. Di Malaysia hari ini, Ketua pembangkang tidak mempunyai slot khusus, sebaliknya terpaksa bergantung kepada budi bicara Speaker jika mahu bertanya.

WAN SAIFUL GESA NAIKKAN ELAUN PESAWAH, NELAYAN



Hasil perbincangan dengan pesawah-pesawah dan nelayan-nelayan dalam Parlimen Tasek Gelugor, Datuk Wan Saiful Wan Jan telah membawa permintaan agar elaun bulanan pesawah dan nelayan dinaikkan dari kadar sekarang.

Menurut Wan Saiful, "Kos input padi sekarang ini telah naik mendadak. Kos untuk pukat dan kelengkapan nelayan juga telah naik tinggi berbanding sebelumnya. Ini menyebabkan para pesawah dan nelayan mengalami kesukaran untuk menampung kos yang meningkat. Saya mahu kerajaan

prihatin dengan nasib mereka dan saya minta kerajaan naikkan elaun yang diberi.

Bagaimanapun, Wan Saiful kesal kerana kerajaan PH-UMNO seolah-oleh tidak mempedulikan nasib golongan pesawah dan nelayan kerana permintaan tersebut ditolak tanpa pertimbangan yang sewajarnya.

"Saya kesal dengan sikap tidak prihatin kerajaan PH-UMNO. Namun saya akan teruskan perjuangan untuk membela nasib rakyat dan memastikan kerajaan menjaga kebijakan rakyat yang memerlukan," katanya.

PENDUDUK TASEK GELUGOR TERIMA BAKUL KASIH

Pusat Khidmat Parlimen Tasek Gelugor dengan kerjasama Perikatan Nasional Tasek Gelugor memulakan program pemberian Bakul Kasih pada Ramadhan lalu. Melalui program Bakul Kasih itu, seramai 50 ke 100 penerima daripada setiap kariah masjid dalam Parlimen Tasek Gelugor akan menerima sumbangan barang dapur daripada Pusat Khidmat Parlimen.

Antara barang yang dimasukkan dalam Bakul Kasih tersebut ialah ayam, telur, beras, sayur dan sabun pencuci pinggan manguk.

Sumbangan ini adalah hasil sumbangan para penderma yang

memberikan sumbangan mereka melalui Pusat Khidmat Parlimen dan Perikatan Nasional Tasek Gelugor.

Setakat Ramadhan yang lalu, sembilan kariah masjid telah disantuni termasuklah Pekan Darat, Kampung Banggol, Bagan Lebai Tahir, Bagan Ajam, Permatang Binjai, Permatang Tok Gelam, Permatang Tok Jaya, Teluk Air Tawar, dan Pokok Tampang.

Dengan sumbangan yang berasal dari para penderma, program ini dijangka akan terus menyantuni kariah-kariah masjid seluruh Tasek Gelugor sepanjang 2023.

TERUSKAN PERUNTUKAN PENGANJURAN ANUGERAH NASYID MALAYSIA



Kerajaan disaran meneruskan peruntukan bagi menganjurkan Anugerah Nasyid Malaysia seterusnya menjadikannya festival antarabangsa terkenal.

Ahli Parlimen Tasek Gelugor, Datuk Wan Saiful Wan Jan mempersoalkan 'keciciran' peruntukan berkenaan dalam peruntukan Kementerian Komunikasi dan Digital (KKD) bagi 2023.

Beliau berkata, penganjuran anugerah nasyid Malaysia yang pernah dianjurkan pada 2020 semasa di bawah Kerajaan Perikatan Nasional merupakan inisiatif yang baik bagi mengembangkan potensi Malaysia sebagai tuan rumah acara seumpama itu di persada dunia.

"Pada Disember 2020, Kementerian Komunikasi dan Multimedia yang dipimpin oleh Menteri Perikatan Nasional menganjurkan Anugerah Nasyid Malaysia yang pertama.

"Saya menggesa kerajaan meneruskan peruntukan untuk menganjurkan anugerah Nasyid Malaysia ini seterusnya menjadikannya sebagai festival antarabangsa yang terkenal," katanya.



AKTIVITI RAMADHAN BERSAMA AHLI MASJID, SURAU



Sebanyak 32 masjid di Parlimen Tasek Gelugor mendapat sumbangan kain pelikat dan telekung daripada Ahli Parliment Tasek Gelugor, Datuk Wan Saiful Wan Jan.

Pemberian sumbangan ini sebagai tanda menghargai peranan yang dimainkan setiap petugas-petugas am masjid dalam menjalankan tugas-tugas masjid di kawasan masing-masing.

Sumbangan disampaikan kepada Pengurus masjid atau wakilnya sepanjang bulan Ramadhan.

Selain itu, Wan Saiful turut bersama dengan jamaah masjid-masjid dan surau-surau dalam Parliment Tasek Gelugor untuk majlis berbuka puasa, solat terawikh dan moreh.

Antara masjid yang disantuni oleh Ahli Parliment Tasek Gelugor itu adalah Masjid At-Taqwa Lahar Yooi, Masjid Al-Amin Sungai Dua, Masjid Jamek Permatang Tok Gelam, Masjid Jamek Al-Rahman Padang Chempedak, Masjid Jamek Al-Islah Tasek Gelugor, Surau Haji Mohd Ariff Seberang Tok Dol, dan Surau Al-A'la Taman Desa Sena.

Jom Layari & Ikuti



Wan Saiful Wan Jan

www.wansaiful.com

PUSAT KHIDMAT PARLIMEN

WAKTU OPERASI :

ISNIN - KHAMIS
09.30 PAGI - 03.30 PETANG

JUMAAT
09.30 PAGI - 12.30 TENGAH HARI

No 46-2,Jalan Sena Jaya, Taman Sena Jaya,
13200 Kepala Batas, Pulau Pinang.

Tel / Fax : +604-571 1252

Email : parlimen@wansaiful.com